

**«Շիրակի Մարզի Փոքր Սարիարի Հասնաճեղովու Իրավունսփայտ Վարչակազմ
ՀՍԿՈՂՈՒԹՅԱՆ ԱՐԴՅՈՒՆՔՆԵՐԻ ՎԵՐԱԲԵՐՅԱԼ**

21.08. 2013թ.

գ. Փոքր Սարիար

Համաձայն ՀՀ փոխվարչապետ, տարածքային կառավարման նախարարի 2012 թվականի դեկտեմբերի 28-ի «Վարչական հսկողության 2013 թվականի աշխատանքային ծրագիրը հաստատելու մասին» թիվ 190-Ա հրամանի և ի կատարումն ՀՀ Շիրակի մարզպետի 2013 թվականի օգոստոսի 2-ի «Հայաստանի Հանրապետության Շիրակի մարզի Փոքր Սարիարի համայնքում վարչական հսկողություն իրականացնելու մասին» թիվ 83 կարգադրության, աշխատանքային խումբը մասնակցությամբ՝ ՀՀ Շիրակի մարզպետարանի աշխատակազմի ՏԻ և ՀԳՄՎ վարչության պետ Կառլեն Աբրահամյանի /խմբի ղեկավար/, ՀՀ Շիրակի մարզպետարանի աշխատակազմի քաղաքաշինության վարչության ճարտարապետաշինարարական բաժնի գլխավոր մասնագետ Հուրիկ Մարտիրոսյանի /խմբի անդամ/, ՀՀ Շիրակի մարզպետարանի աշխատակազմի քաղաքաշինության վարչության տրանսպորտի և ճանապարհաշինության բաժնի գլխավոր մասնագետ Գագիկ Հարությունյանի /խմբի անդամ/, ՀՀ Շիրակի մարզպետարանի աշխատակազմի հողաշինության և հողօգտագործման բաժնի /մարզային հողային պետական տեսչության/ գլխավոր մասնագետ Լյովա Հակոբյանի /խմբի անդամ/, ՀՀ Շիրակի մարզպետարանի աշխատակազմի ՏԻ և ՀԳՄՎ վարչության ՏԻ և ՀԾՀ բաժնի առաջատար մասնագետ Նաիրա Մարտիրոսյանի /խմբի անդամ/, ՀՀ Շիրակի մարզպետարանի աշխատակազմի ֆինանսական և սոցիալ-տնտեսական զարգացման վարչության ֆինանսատնտեսագիտական բաժնի առաջատար մասնագետ Արմեն Հարությունյանի /խմբի անդամ/, ինչպես նաև ՀՀ Շիրակի մարզի Փոքր Սարիարի գյուղական համայնքի ղեկավար Արայիկ Արշակյանի, Փոքր Սարիարի համայնքում իրականացրել է վարչական հսկողություն՝ 2010 թվականի օգոստոսի 1-ից մինչև 2013 թվականի օգոստոսի 1-ն ընկած ժամանակաշրջանի համար:

ՎԱՐՉԱԿԱԶՄ ՀՍԿՈՂՈՒԹՅՈՒՆ

Վարչական հսկողությունը սկսվել է 2013 թվականի օգոստոսի 8-ին և ավարտվել՝ 2013 թվականի օգոստոսի 14-ին, արդյունքում պարզվել է հետևյալը՝

- 1) Համայնքի ավագանին խախտելով «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 1-ին կետի դրույթը՝ սահմանված կարգով չի ընդունել իր կանոնակարգը:
- 2) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 2-րդ կետի դրույթների՝ համայնքի ավագանու կողմից չի հաստատվել համայնքի 2009-2012թթ.զարգացման ծրագիրը:

Համայնքի ղեկավարի կողմից օրենքով սահմանված ժամկետում կազմվել է համայնքի 2013-2016թթ. զարգացման ծրագիրը և ներկայացվել է համայնքի ավագանու հաստատմանը /2013 թվականի հունվարի 10-ի որոշում թիվ 1, արձ. թիվ 2/, սակայն որոշման վերաբերյալ արձանագրություն չի կազմվել:

Համայնքի զարգացման քառամյա ծրագրում նշված չեն հիմնախնդիրների նկարագրությունները, պահանջվող ֆինանսական միջոցները, ֆինանսավորման աղբյուրները և կատարման ժամկետները:

- 3) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 3-րդ կետի դրույթների՝ համայնքի ավագանին 10.01.2011թ. թիվ 2 /արձ. թիվ 1/, 20.01.2012թ. թիվ 2 /արձ. թիվ 1/ և 01.2013թ. թիվ 2/արձ. թիվ 1/ որոշումներով հաստատել է համայնքի 2011, 2012 և 2013 թվականների բյուջեները:

Որոշումներին կցված չեն հավելվածները: Համաձայն «Իրավական ակտերի մասին» Հայաստանի Հանրապետության օրենքի 37-րդ հոդվածի 5-րդ մասի դրույթների՝ հավելվածները իրավական ակտի բաղկացուցիչ մասերն են, ուստի դրանք պետք է կցվեն իրավական ակտին:

Առանձին որոշումներում բացակայում են իրավական ակտի ընդունման ամսաթիվը: Համաձայն «Իրավական ակտերի մասին» Հայաստանի Հանրապետության օրենքի 39-րդ հոդվածի 4-րդ մասի դրույթների, իրավական ակտի լրիվ անվանումը հիշատակելիս դրանում հետևյալ հաջորդականությամբ ներառվում են իրավական ակտն ընդունող մարմնի անվանումը, իրավական ակտի ընդունման տարին, ամիսը (տառերով), ամսաթիվը, ակտի վերնագիրը, ակտի հերթական համարը և տեսակը:

Համայնքի ավագանին 10.01.2011թ. թիվ 1 /արձ. թիվ 1/, 20.01.2012թ. թիվ 1 /արձ. թիվ 1/ և 01.2013թ. թիվ 1 /արձ. թիվ 1/ որոշումներով հաստատել է համայնքի 2010, 2011 և 2012 թվականների բյուջեների կատարման տարեկան հաշվետվությունները: Որոշումներում՝ որոնք պարունակում են նորմատիվ բնույթի դրույթներ, հերթական համարներից հետո չեն նշվել «Ն» տառը /հիմք՝ «Իրավական ակտերի մասին» Հայաստանի Հանրապետության օրենքի 2-րդ հոդվածի 3-րդ մաս, 38-րդ հոդվածի 3-րդ մաս/:

Որոշումների վերնագրերը չեն համապատասխանում բովանդակություններին: Համաձայն «Իրավական ակտերի մասին» Հայաստանի Հանրապետության օրենքի 40-րդ հոդվածի 1-ին մասի 1-ին կետի դրույթների՝ իրավական ակտի վերնագիրը պետք է համապատասխանի իրավական ակտի բովանդակությանը և հակիրճ տեղեկատվություն պարունակի դրա կարգավորման առարկայի մասին: Բացի այդ, որոշումներին կցված չեն նշված իրավական ակտերով հաստատված հավելվածները:

Համայնքի ավագանու 25.11.2010թ. թիվ 1/արձ. թիվ 8/, 28.03.2011թ. թիվ 1/արձ. թիվ 3/, 17.07.2011թ. թիվ 1/արձ. թիվ 6/, 20.12.2011թ. թիվ 1/արձ. թիվ 8/, 17.10.2012թ. թիվ 1/արձ. թիվ 5/, 20.03.2013թ. թիվ 1/արձ. թիվ 4/ և 07.05.2013թ. թիվ 1/արձ. թիվ 5/ որոշումներով համայնքի բյուջեներում կատարվել են փոփոխություններ:

Որոշումները չեն համապատասխանում <<Իրավական ակտերի մասին>> Հայաստանի Հանրապետության օրենքի 40-րդ հոդվածի 4-րդ մասի և 43-րդ հոդվածի 1-ին մասի դրույթներին, համաձայն որոնց՝ իրավական ակտում փոփոխություններ նախատեսող իրավական ակտի վերնագրում բերվում է փոփոխվող իրավական ակտի կրճատ անվանումը, իսկ իրավական ակտում փոփոխություն նախատեսող իրավական ակտում՝ տրվում է իրավական ակտի լրիվ անվանումը: Բացի այդ, որոշումները չեն պարունակում նախաբան և եզրափակիչ մաս:

- 4) Համայնքի ավագանին «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 4-րդ կետով սահմանված կարգով համայնքի բյուջեի կատարման նկատմամբ վերահսկողություն չի իրականացրել:

Համայնքի ղեկավարը խախտելով <<Տեղական ինքնակառավարման մասին>> ՀՀ օրենքի 69-րդ հոդվածի և <<Հայաստանի Հանրապետության բյուջետային համակարգի մասին>> ՀՀ օրենքի 35-րդ հոդվածի 1-ին մասի պահանջները՝ համայնքի բյուջեի կատարման վերաբերյալ եռամսյակային հաղորդումներ չի ներկայացրել համայնքի ավագանուն:

Նշված ժամանակահատվածում համայնքի ղեկավարը համայնքի բյուջեի կատարման վերաբերյալ եռամսյակային հաղորդում ավագանու քննարկմանը ներկայացրել է ընդամենը երկու եռամսյակի համար /04.05.2012թ. թիվ թիվ 1, 2/արձ. թիվ 4//:

Որոշումները <<Իրավական ակտերի մասին>> ՀՀ օրենքի 43-րդ հոդվածին համապատասխան չեն պարունակում հղումներ, թե դրանք ՀՀ օրենսդրության որ նորմատիվ իրավական ակտի մասի համաձայն կամ ի կատարումն են ընդունվել:

Վերոնշյալ ժամանակահատվածում համայնքը վարկեր չի ստացել:

- 5) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 5-րդ կետի՝ համայնքի ավագանու 28.03.2011թ. թիվ 1/արձ. թիվ 4/, 20.06.2011թ. թիվ 1/արձ. թիվ 5/, 03.11.2011թ. թիվ 1/արձ. թիվ 7/ և 17.10.2012թ. թիվ 1/արձ. թիվ 6/ որոշումներով դրամական օգնություններ են տրամադրվել համայնքի սոցիալապես անապահով ընտանիքներին:
- 6) Վերոնշյալ ժամանակահատվածում համայնքի սեփականություն համարվող գույքի օտարման կամ օգտագործման տրամադրման վերաբերյալ համայնքի ավագանին որոշումներ չի կայացրել:
- 7) Համայնքի ղեկավարի լիազորությունների իրականացման նկատմամբ համայնքի ավագանու կողմից վերահսկողություն չի իրականացվել:
- 8) Համայնքի ղեկավարի օրենքին և իրավական այլ ակտերին հակասող որոշումների դատական կարգով վիճարկումներ չեն եղել:
- 9) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 8-րդ կետի՝ համայնքի ավագանին 20.01.2012թ. թիվ 1/արձ. թիվ 2/ և 01.2013թ. թիվ 1 /արձ. թիվ 2 որոշումներով սահմանել է համայնքի ղեկավարի վարձատրության չափը 2012 և 2013 թվականների համար: Իսկ համայնքի ղեկավարի վարձատրության չափի սահմանման մասին 2011 թվականի համար արձանագրություն չի կազմվել:

- 10) Համայնքում բյուջետային հիմնարկներ, համայնքի մասնակցությամբ առևտրային և ոչ առևտրային կազմակերպություններ չլիներու պատճառով համայնքային բյուջետային հիմնարկների, համայնքի մասնակցությամբ առևտրային և ոչ առևտրային կազմակերպությունների ստեղծման, վերակազմակերպման կամ լուծարման մասին համայնքի ավագանու կողմից որոշումներ չեն կայացվել:
- 11) Համայնքում բյուջետային հիմնարկների և ոչ առևտրային կազմակերպությունների ղեկավարների թեկնածուներին համաձայնություն տալու վերաբերյալ համայնքի ավագանու կողմից որոշումներ չեն կայացվել, դրանց անհրաժեշտությունը չլիներու պատճառով:
- 12) Առևտրի, հասարակական սննդի և սպասարկման ոլորտի գործունեության համայնքային կանոնների հաստատման վերաբերյալ «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 17-րդ կետի դրույթը հանված է:
- 13) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 18-րդ կետի դրույթների՝ համայնքի ավագանին 10.01.2011թ. թիվ 3/արձ. թիվ 1/, 20.01.2012թ. թիվ 3/արձ. թիվ 1/ և 01.2013թ. թիվ 3/արձ. թիվ 1/ որոշումներով սահմանել է տեղական տուրքերի և վճարների դրույքաչափեր՝ 2011, 2012 և 2013 թվականների համար:
Որոշումներին կցված չեն նշված իրավական ակտերով հաստատված հավելվածները:
Տեղական հասկերի տեսակների ու դրույքաչափերի սահմանման վերաբերյալ համայնքի ավագանու որոշումներ չեն կայացվել:
- 14) Համայնքի կողմից մատուցվող ծառայությունների դիմաց գանձվող վճարների դրույքաչափերը սահմանելու վերաբերյալ համայնքի ավագանու կողմից որոշումներ չեն կայացվել:
- 15) Վերոնշյալ ժամանակահատվածում համայնքի ղեկավարի կողմից համայնքի սեփականություն համարվող գույքի օտարման կամ օգտագործման տրամադրման վերաբերյալ առաջարկություն չի ներկայացվել համայնքի ավագանուն:
- 16) Համայնքային նշանակության փողոցների, պողոտաների, հրապարակների, զբոսայգիների, համայնքային ենթակառուցվածքային կրթական, մշակութային և այլ հիմնարկների ու կազմակերպությունների անվանման և վերանվանման վերաբերյալ համայնքի ավագանին որոշումներ չի կայացրել:
- 17) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 26-րդ կետի դրույթների՝ համայնքի ավագանին 10.01.2011թ. թիվ 4/արձ. թիվ 1/, 20.01.2012թ. թիվ 1/արձ. թիվ 2/ և 01.2013թ. թիվ 1/արձ. թիվ 2/ որոշումներով հաստատել է գյուղապետարանի աշխատակազմի աշխատակիցների թվաքանակը, հաստիքացուցակը և պաշտոնային դրույքաչափերը՝ 2011, 2012 և 2013 թվականների համար: Համայնքի ավագանին որոշումներն ընդունելիս պետք է ղեկավարվեր «Համայնքային ծառայության մասին» Հայաստանի Հանրապետության օրենքի 9-րդ հոդվածի դրույթներով և հիմք ընդունել Հայաստանի Հանրապետության տարածքային կառավարման նախարարի 2006 թվականի նոյեմբերի 29-ի թիվ 55-Ա հրամանը, ինչը չի արվել:

- Համայնքային ծառայության պաշտոնների մասով աշխատակազմի աշխատակիցների թվաքանակը և (կամ) հաստիքացուցակը հաստատելու, ինչպես նաև փոփոխելու և (կամ) լրացնելու, համայնքային ծառայության պաշտոնների անվանացանկում համապատասխան փոփոխություններ և (կամ) լրացումներ կատարելու նպատակով Հայաստանի Հանրապետության կառավարության լիազորած պետական կառավարման մարմինն դիմելու մասին համայնքի ավագանին որոշումներ չի կայացրել:
- 18) Համայնքի ավագանու կողմից չի հաստատվել բնակավայրի քաղաքաշինական կանոնադրությունը:
- 19) Համաձայն «Տեղական ինքնակառավարման մասին» ՀՀ օրենքի 16-րդ հոդվածի 1-ին մասի 29-րդ կետի դրույթների՝ համայնքի սեփականության ամենամյա գույքագրման փաստաթղթերը հաստատելու մասին 2011, 2012 և 2013 թվականների համար արձանագրություններ չեն կազմվել:

1. Ֆինանսների բնագավառ

- 1) Փոքր Սարիարի համայնքի ղեկավարը «Տեղական ինքնակառավարման մասին» ՀՀ օրենքի 34-րդ հոդվածի 1-ին մասի 1-ին կետի համաձայն կազմել և սահմանված ժամկետներում համայնքի ավագանու հաստատմանն է ներկայացրել համայնքի 2011-2013 թվականների բյուջեների նախագծերը՝ (համայնքի ավագանու որոշումներ 10.01.2011թ. թիվ 2 /արձ. թիվ 1/, 20.01.2012թ. թիվ 2 /արձ. թիվ 1/ և 01.2013թ. թիվ 2/արձ. թիվ 1/), դրանում առաջարկվող փոփոխությունները (համայնքի ավագանու որոշումներ՝ 25.11.2010թ. թիվ 1/արձ. թիվ 8/, 28.03.2011թ. թիվ 1/արձ. թիվ 3/, 17.07.2011թ. թիվ 1/արձ. թիվ 6/, 20.12.2011թ. թիվ 1/արձ. թիվ 8/, 17.10.2012թ. թիվ 1/արձ. թիվ 5/, 20.03.2013թ. թիվ 1/արձ. թիվ 4/ և 07.05.2013թ. թիվ 1/արձ. թիվ 5/), տարեկան հաշվետվությունները՝ (ավագանու որոշումներ 10.01.2011թ. թիվ 1 /արձ. թիվ 1/, 20.01.2012թ. թիվ 1 /արձ. թիվ 1/ և 01.2013թ. թիվ 1 /արձ. թիվ 1/):

Համայնքի ղեկավարը խախտելով «Տեղական ինքնակառավարման մասին» ՀՀ օրենքի 69-րդ հոդվածի և «Հայաստանի Հանրապետության բյուջետային համակարգի մասին» ՀՀ օրենքի 35-րդ հոդվածի 1-ին մասի պահանջները՝ համայնքի բյուջեի կատարման վերաբերյալ եռամսյակային հաղորդումներ չի ներկայացրել համայնքի ավագանուն:

Համաձայն «Տեղական ինքնակառավարման մասին» ՀՀ օրենքի 68-րդ և «ՀՀ բյուջետային համակարգի մասին» ՀՀ օրենքի 34-րդ հոդվածների՝ համայնքի 2010-2012թթ. բյուջեների կատարողականի տարեկան հաշվետվություններն ավագանին քննարկել և հաստատել է առանց աուդիտորական եզրակացության:

- 2) Համայնքի ղեկավարը «Տեղական ինքնակառավարման մասին» ՀՀ օրենքի 34-րդ հոդվածի 2-րդ կետի համաձայն տեղական հարկերի, տուրքերի և վճարների դրույքաչափերի սահմանման վերաբերյալ որոշման նախագծերը ներկայացրել է ավագանու հաստատմանը (ավագանու որոշումներ՝ 10.01.2011թ. թիվ 3/արձ. թիվ 1/, 20.01.2012թ. թիվ 3/արձ. թիվ 1/ և 01.2013թ. թիվ 3/արձ. թիվ 1/):

3) Համայնքի ղեկավարը «Տեղական ինքնակառավարման մասին» Հայաստանի Հանրապետության օրենքի 34-րդ հոդվածի 2.1 կետի դրույթով սահմանված՝ տեղական հարկերի, տուրքերի և վճարների, համայնքի վարչական սահմաններում գտնվող համայնքային և պետական սեփականություն համարվող հողերի, համայնքային սեփականություն համարվող գույքի վարձավճարների գանձման և վերահսկման վերաբերյալ պարտադիր լիազորությունները մասնավորապես 2010թ. և 2011թ.բյուջետային տարիներին ամբողջությամբ է իրականացրել, իսկ 2012թ.բյուջետային տարում և 2013 թվականի 7 ամիսներին ոչ լրիվությամբ է իրականացրել:

Ստուգված ժամանակաշրջանում 2010թ. համայնքի ճշտված բյուջեով նախատեսված 4,426.9 հազար դրամ եկամուտների դիմաց փաստացի մուտքը կազմել է 4,401.0 հազար դրամ: Եկամուտների պլանը կատարվել է 99.4 %-ով, կամ պակաս է հավաքագրվել 25.9 հազար դրամ:

2011թ. համայնքի ճշտված բյուջեով նախատեսված 5,042.6 հազար դրամ եկամուտների դիմաց փաստացի մուտքը կազմել է 5,042.6 հազար դրամ: Եկամուտների պլանը կատարվել է 100.0 %-ով:

2012թ. համայնքի ճշտված բյուջեով նախատեսված 4,488.6 հազար դրամ եկամուտների դիմաց փաստացի մուտքը կազմել է 4,424.7 հազար դրամ: Եկամուտների պլանը կատարվել է 98.6 %-ով, կամ պակաս է հավաքագրվել 63.9 հազար դրամ:

2013 թվականի 7 ամիսներին համայնքի բյուջեով նախատեսված 2,723.0 հազար դրամ եկամուտների դիմաց փաստացի մուտքը կազմել է 2,468.1 հազար դրամ: Եկամուտների պլանը կատարվել է 90.6 %-ով, կամ պակաս է հավաքագրվել 254.9 հազար դրամ:

4) Համաձայն «Տեղական ինքնակառավարման մասին» Հայաստանի Հանրապետության օրենքի 34-րդ հոդվածի 2.2 մասի պահանջի, համայնքի ղեկավարի կողմից տեղական հարկեր, տուրքեր և վճարներ չվճարող անձանց նկատմամբ օրենքով սահմանված կարգով համապատասխան միջոցներ չեն կիրառվել:

5) Համայնքի կողմից մատուցվող ծառայությունների դիմաց գանձվող վճարների դրույքաչափերի սահմանման վերաբերյալ որոշման նախագծեր համայնքի ղեկավարը չի ներկայացրել ավագանու հաստատմանը:

6) Համայնքի ղեկավարը «Տեղական ինքնակառավարման մասին» Հայաստանի Հանրապետության օրենքի 34-րդ հոդվածի 5-րդ կետի պահանջի համաձայն տնօրինել է համայնքի բյուջեի միջոցները:

Համայնքի վարչական բյուջե հավաքագրված գումարները հիմնականում ծախսվել են աշխատավարձերի, պարտադիր սոցիալական ապահովագրության վճարումների, էլեկտրաէներգիայի, համայնքի սոցիալապես անապահով ընտանիքներին դրամական օգնություն տրամադրելուն և այլ ծախսերի համար:

Ստուգված ժամանակահատվածում համայնքի 2010թ. ֆոնդային բյուջեից կատարվել է 52.8 հազ. դրամի ծախս, իսկ 2011թ., 2012թ. և 2013թ. օգոստոսի 1-ի դրությամբ համայնքի ֆոնդային բյուջեներից ծախսեր չեն կատարվել:

Գյուղապետարանում չեն պահպանվել «Գնումների մասին» ՀՀ օրենսդրության պահանջները: 2011-2012թթ. ընթացքում ընթացիկ տարվա համար գնումների պլան չի կազմվել և չի հրապարակվել: Գնումները կատարվել են առանց հաշվի առնելով «Գնումների մասին» ՀՀ օրենսդրության պահանջները:

2013 թվականի համար կազմվել է գնումների պլանը պատվիրատու ղեկավարի կողմից և հրապարակվել է Gnumner.am կայքում, սակայն ըստ օրենսդրության պատվիրատու ղեկավարի կողմից չի սահմանվել գնումների համակարգող, պատասխանատու ստորաբաժանում և գնահատող հանձնաժողով:

2. Բաղաքաշինության և կոմունալ տնտեսության բնագավառ

- 1) Համայնքի ղեկավարի կողմից համայնքի գլխավոր հատակագծի, հողերի գոտիավորման և օգտագործման սխեմաների, գոտիավորման այլ փաստաթղթեր չեն կազմվել:
- 2) Համայնքի ղեկավարի կողմից քաղաքաշինական կադաստրի սահմանված կարգով վարման և համայնքի քաղաքաշինական կանոնադրության կազմման վերաբերյալ որոշումներ չեն ներկայացվել համայնքի ավագանու հաստատմանը:
- 3) Համայնքում միջավայրի քաղաքաշինական փոփոխություններ, կառուցապատողներին ճարտարապետահատակագծային առաջադրանքի տրամադրման, ճարտարապետաշինարարական նախագծերի համաձայնեցման գործընթացներ չեն իրականացվել:
- 4) Համայնքի ղեկավարի կողմից շինարարության (քանդման) թույլտվություն չի տրամադրվել:
- 5) Համայնքի ղեկավարի կողմից ավարտված շինարարության շահագործման փաստագրման ակտեր չեն ձևակերպվել:
- 6) Համայնքում ինքնակամ շինարարության իրականացման դեպքեր չեն հայտնաբերվել:
- 7) Համայնքի ղեկավարի կողմից շենքերի և շինությունների նպատակային օգտագործման և պահպանման, կառուցապատողներին տրված ճարտարապետահատակագծային առաջադրանքով, համայնքի քաղաքաշինական կանոնադրությամբ սահմանված պահանջների կատարման նկատմամբ սահմանված կարգով վերահսկողություն իրականացնելու վերաբերյալ որոշումներ չեն կայացվել:
- 8) Համայնքի ղեկավարի կողմից իրականացվել է համայնքային սեփականություն համարվող շենքերի ու շինությունների հաշվառում, կազմվել է սեփականության ամենամյա գույքագրման փաստաթղթերը և ներկայացվել է համայնքի ավագանու հաստատմանը:
- 9) Համայնքի ղեկավարի կողմից համայնքի քաղաքաշինական կանոնադրությանը համապատասխան արտաքին գովազդ տեղադրելու թույլտվություն չի տրամադրվել:

- 10) Համայնքի ղեկավարի կողմից համայնքային սեփականություն համարվող ներհամայնքային հաղորդակցության ուղիների, ջրնուղի, կոյուղու, ոռոգման ու ջեռուցման ցանցերի և այլ կառուցվածքների շահագործման կազմակերպման և կառավարման վերաբերյալ գործառույթներ չեն իրականացվել:
- 11) Համայնքում չկան բազմաբնակարան բնակելի շենքեր: Այդ իսկ պատճառով համապատասխան գործառույթներ չեն իրականացվել:

3. Հողօգտագործման բնագավառ

- 1) Փոքր Սարիարի գյուղական համայնքը համապատասխան ֆինանսական միջոցների բացակայության պատճառով կառավարության սահմանված կարգով կազմված հողերի գոտիավորման և օգտագործման սխեմա չունի:
- 2) Փոքր Սարիարի համայնքային սեփականություն հանդիսացող գյուղատնտեսական նշանակության հողերը կազմում են ընդամենը 718.71հա, այդ թվում՝ վարելահող-65.52հա, խոտհարք-4.75հա, արոտ-644.5հա և այլ հողեր-3.94հա: Համայնքի վարչական սահմաններում ընդգրկված պետական սեփականություն հանդիսացող գյուղատնտեսական նշանակության հողերը կազմում են ընդամենը 195.78հա, այդ թվում՝ արոտ-195.78հա և այլ հողեր-50.05հա:

Գյուղապետարանում առկա էր համայնքային սեփականություն հանդիսացող գյուղատնտեսական նշանակության հողերի համար կնքված 36 պայմանագրեր՝ 432.0հա արոտների համար 390.4հազ. դրամ տարեկան վարձավճարով:

Համայնքային սեփականություն հանդիսացող գյուղատնտեսական նշանակության 65.52հա վարելահողերը, 4.75հա խոտհարքները և 212.5հա արոտները օրենքով սահմանված կարգով վարձակալության տրամադրված չեն:

Համայնքային սեփականություն հանդիսացող գյուղատնտեսական նշանակության հողերի համար՝

2010թվականի բյուջեով նախատեսված 109.3 հազ.դրամ վարձավճարի դիմաց մինչև 01.08.2010թվականը անհատական անդորրագրերով գանձվել է 110.3հազ. դրամ և նույն գումարը մուտքագրվել է համայնքի հաշվարկային հաշվին, այսինքն՝ բյուջեով նախատեսվածից ավել է մուտքագրվել 1.0հազ.դրամ:

2011թ. բյուջեով նախատեսված 110.0հազ. դրամ վարձավճարի դիմաց անհատական անդորրագրերով գանձվել է 110.0հազ դրամ և նույն գումարը մուտքագրվել է համայնքի հաշվարկային հաշվին:

2012թ. բյուջեով նախատեսված 109.3հազ. դրամ վարձավճարի դիմաց անհատական անդորրագրերով գանձվել է 109.3հազ դրամ գումար և նույն գումարը մուտքագրվել է համայնքի հաշվարկային հաշվին:

01.01.2013-01.08.2013թ. դրությամբ բյուջեով նախատեսված 169.7հազ.դրամ վարձավճարի դիմաց անհատական անդորրագրերով գանձվել է 165.0հազ դրամ գումար և նույն գումարը մուտքագրվել է համայնքի հաշվարկային հաշվին, այսինքն՝ բյուջեով նախատեսվածից պակաս է մուտքագրվել 4.7հազ.դրամ:

01.01.2013 թվականի դրությամբ վարձավճարի ապառքներ չկան:

01.08.2010թ.-01.08.2013թ. ժամանակահատվածում համայնքային և պետական սեփականության հողերի օտարումներ չեն իրականացվել:

- 3) Փոքր Սարիար համայնքի գյուղացիական տնտեսություններում հաշվառված 497 գլուխ խոշոր եղջերավոր անասունների առկայության պայմաններում համայնքային սեփականության՝ 644.5հա, արոտներից 432.0 հեկտարն է ՀՀ օրենսդրությամբ սահմանված կարգով օգտագործման տրամադրված:
- 4) 01.08.2010թ.-01.08.2013թ. ժամանակահատվածում համայնքի ղեկավարի կողմից ապօրինի հողօգտագործման դեպքեր չեն արձանագրվել:
- 5) Օրենքով սահմանված կարգով իրականացվել է համայնքի վարչական սահմաններում գտնվող հողամասերի ընթացիկ հաշվառման և համայնքի հողային հաշվեկշռի կազմման գործընթացներ:
- 6) Համայնքի վարչական տարածքում գտնվող թվով 4 գեոդեզիական կետերի և սահմանանիշերի պահպանության նկատմամբ իրականացվել է վերահսկողություն:

4. Տրանսպորտի բնագավառ

- 1) Համայնքային ենթակայության ճանապարհների, ճանապարհային երթևեկության կազմակերպման կահավորանքի ու այլ տեխնիկական միջոցների, կամուրջների ու ինժեներական այլ կառույցների պահպանման և շահագործման կազմակերպման գործառույթներ չեն իրականացվել:
- 2) Համայնքի հասարակական տրանսպորտի աշխատանքի ու համայնքային ենթակայության տրանսպորտային հիմնարկների և կազմակերպությունների գործունեության կազմակերպման և կառավարման գործառույթներ չեն իրականացվել:
- 3) Իրավասու մարմինների ներկայացմամբ համայնքի տարածքում ճանապարհային երթևեկության նշանների տեղակայման ու հանման հաստատման և թույլատրման գործառույթներ չեն իրականացվել:
- 4) Հայաստանի Հանրապետության կառավարության սահմանած կարգով և Հայաստանի Հանրապետության ավտոմոբիլային ճանապարհների անվանացանկում ընդգրկված ճանապարհների մաս հանդիսացող տարանցիկ ճանապարհներին վերաբերող մասով լիազոր մարմնի հետ համաձայնեցնելուց հետո համայնքում ճանապարհային երթևեկության կազմակերպման սխեմա չի կազմվել և համայնքի ավագանու հաստատմանը չի ներկայացվել (համայնքային ենթակայության ճանապարհների մասով) և այդ սխեմային համապատասխան անվտանգ երթևեկության կազմակերպման համար անհրաժեշտ ճանապարհային երթևեկության կազմակերպման կահավորանքի ու այլ տեխնիկական միջոցների տեղադրման վերաբերյալ որոշումներ չեն կայացվել:

7. Այլ բնագավառներ

- 1) Վերոնշյալ ժամանակահատվածում համայնքի ղեկավարի կողմից հրավիրվել և անցկացվել են համայնքի ավագանու 21 նիստեր:

Համայնքի ղեկավարը չի ապահովել ոչ պակաս, քան երկու ամիսը մեկ անգամ համայնքի ավագանու նիստ գումարելու <<Տեղական ինքնակառավարման մասին>> ՀՀ օրենքի 11-րդ հոդվածի պահանջը: 2012 թվականի մայիսի 4-ին անցկացված ավագանու նիստից հետո ավագանու հերթական նիստ է հրավիրվել 2012 թվականի հոկտեմբերի 17-ին:

Համայնքի ավագանու նիստերի արձանագրությունների գրանցամատյանի համարակալումը խախտված է /13-րդ էջին հաջորդել է 15-րդ էջը/:

2) Համայնքի «Տեղական ինքնակառավարման մասին» ՀՀ օրենքի 32-րդ հոդվածի 1-ին մասի 1¹ կետի դրույթների՝ համայնքի ղեկավարն անհատական ակտեր ընդունելուց հետո դրանք սահմանված ժամկետում չի ուղարկել համայնքի ավագանու անդամներին և փակցրել համայնքի ավագանու նստավայրում:

3) Համայնքի ղեկավարի կողմից օրենքով սահմանված ժամկետում կազմվել և համայնքի նորընտիր ավագանու հաստատմանն է ներկայացվել համայնքի 2013-2016թթ. զարգացման ծրագիրը:

4) Համայնքի ղեկավարը խախտել է «Տեղական ինքնակառավարման մասին» ՀՀ օրենքի 32-րդ հոդվածի 1-ին մասի 4-րդ կետի դրույթները և համայնքի ավագանու հաստատմանը չի ներկայացրել գյուղապետարանի աշխատակազմի կանոնադրությունը հաստատելու մասին որոշման նախագիծը:

Փոքր Սարիարի համայնքն առանձնացված ստորաբաժանումներ, ինչպես նաև բյուջետային հիմնարկներ և ոչ առևտրային կազմակերպություններ չունի:

5) Համայնքի ղեկավարի կողմից աշխատակազմի կառուցվածքի վերաբերյալ որոշման նախագիծ և դրանում առաջարկվող փոփոխություն ավագանու հաստատմանը չի ներկայացվել, որա անհրաժեշտությունը չլինելու պատճառով:

6) Համայնքի ղեկավարը աշխատակազմի աշխատակիցների թվաքանակի, հաստիքացուցակի և պաշտոնային դրույքաչափերի վերաբերյալ որոշումների նախագծերը 2011, 2012 և 2013 թվականների համար ներկայացրել է համայնքի ավագանու հաստատմանը:

Համայնքի ղեկավարի կողմից աշխատակազմի աշխատակիցների պաշտոնային դրույքաչափերի փոփոխությունների վերաբերյալ որոշումների նախագծեր համայնքի ավագանու հաստատմանը չի ներկայացվել:

7) Համայնքի ղեկավարի կողմից համայնքային ենթակայության բյուջետային հիմնարկների և ոչ առևտրային կազմակերպությունների ստեղծման, վերակազմակերպման կամ լուծարման մասին որոշման նախագծեր համայնքի ավագանու հաստատմանը չի ներկայացվել:

8) Համայնքի ղեկավարի կողմից համայնքային ենթակայության առևտրային կազմակերպությունների խորհրդների և վերստուգիչ մարմինների կազմերի վերաբերյալ որոշման նախագծեր համայնքի ավագանու հաստատմանը չի ներկայացվել:

9) Վերոնշյալ ժամանակահատվածում համայնքի ղեկավարի տեղակալի, գյուղապետարանի աշխատակազմի քարտուղարի, կառուցվածքային և առանձնացված

ստորաբաժանումների ղեկավարների պաշտոնների նշանակման և ազատման կարգադրություններ չեն եղել:

- 10) Համայնքի բյուջետային հիմնարկների ղեկավարների պաշտոնների նշանակման և ազատման վերաբերյալ համայնքի ավագանին որոշումներ չի կայացրել:
- 11) Համայնքի ղեկավարի կողմից տեղական հանրաքվե նշանակելու մասին որոշման նախագիծ համայնքի ավագանու հաստատմանը չի ներկայացվել:
- 12) Վերոնշյալ ժամանակահատվածում համայնքի ղեկավարի կողմից Հայաստանի Հանրապետության կամ այլ պետությունների համայնքների հետ համագործակցության մասին պայմանագրեր չեն կնքվել: Միջհամայնքային միավորում ստեղծելու, ինչպես նաև համայնքների հիմնադրած միություններին անդամակցելու և դրանց անդամավճարները մուծելու մասին որոշման նախագծեր ավագանու հաստատմանը չի ներկայացվել:
- 13) Վերոնշյալ ժամանակահատվածում համայնքի ղեկավարի կողմից համայնքի սեփականություն համարվող գույքն օտարելու մասին առաջարկություն չի ներկայացվել համայնքի ավագանուն:
- 14) Համայնքի ղեկավարի կողմից Հայաստանի Հանրապետության և օտարերկրյա քաղաքացիներին համայնքի պատվավոր քաղաքացու կոչում շնորհելու վերաբերյալ համայնքի ավագանուն առաջարկ չի ներկայացվել:
- 15) Համայնքի ղեկավարի կողմից համայնքի, փողոցների, պողոտաների, հրապարակների, զբոսայգիների, համայնքային ենթակայության կրթական, մշակութային և այլ հիմնարկների անվանման և վերանվանման վերաբերյալ համայնքի ավագանուն առաջարկ չի ներկայացվել:
- 16) Վերոնշյալ ժամանակահատվածում համայնքի ղեկավարը շինությունների համարակալման (հասցեավորման) վերաբերյալ որոշումներ չի կայացրել:
- 17) Համայնքի ղեկավարի կողմից ընդունվել է 17 որոշում և արձակվել 26 կարգադրություն:
Համաձայն «Իրավական ակտերի մասին» ՀՀ օրենքի 43-րդ հոդվածի դրույթների՝ համայնքի ղեկավարի որոշումները և կարգադրությունները հղումներ չեն պարունակում:
- 18) Օրենքով, կառավարության սահմանած կարգով ինքնուրույն և սեփական պատասխանատվությամբ որպես պետության պատվիրակած լիազորություն, համայնքի ղեկավարի կողմից կազմակերպվել և ղեկավարվել է համայնքում անասնաբուժական ծառայությունը: Համայնքի ղեկավարի կողմից անհրաժեշտ միջոցներ են ձեռնարկվել համայնքի տարածքում անասնաբուժական ծառայության, հակահամաճարակային միջոցառումների, կենդանիների հիվանդությունների կանխարգելման աշխատանքների կազմակերպման ուղղությամբ:
- 20) Համայնքի ղեկավարի կողմից համայնքի քաղաքաշինական, բնապահպանական, գյուղատնտեսական և այլ կադաստրների վարման աշխատանքներ չեն իրականացվել:
- 21) Համայնքի ղեկավարի կողմից անհրաժեշտ միջոցներ են ձեռնարկվել օրենքով կամ կառավարության սահմանած կարգով քաղաքացիական պաշտպանության, հակահամաճարակային և կարանտինային միջոցառումների, ինչպես նաև տեխնոլոգիական և տարերային աղետների վտանգների նվազեցման ու հետևանքների վերացման հետ կապված աշխատանքների կազմակերպման ուղղությամբ:

- 22) Գյուղապետարանում սահմանված կարգով վարվում է համայնքի բնակիչների հաշվառման գիրք (ծխամատյան) և կազմակերպվում է համայնքի բնակիչների հաշվառումը:
- 23) Վերոնշյալ ժամանակահատվածում համայնքի ղեկավարի կողմից համայնքի շահերն այլ անձանց հետ փոխհարաբերություններում, ինչպես նաև դատարանում ներկայացնելու դեպքեր չեն արձանագրվել:
- 24) Համայնքի տեղական ինքնակառավարման մարմինների կողմից կատարվում են քաղաքացիների ընդունելություն, օրենքով սահմանված կարգով քննության են առնվում քաղաքացիների առաջարկությունները, դիմումներն ու բողոքները և ձեռնարկվում են համապատասխան միջոցներ:
- 25) Համայնքի ղեկավարի կողմից խնամակալության և հոգաբարձության հանձնաժողով ստեղծելու, խնամակալություն և հոգաբարձություն սահմանելու մասին որոշումներ չեն կայացվել:
- 26) Համայնքի ղեկավարի կողմից անհրաժեշտ միջոցներ են ձեռնարկվել համայնքում երեխաների ծնունդների չգրանցման դեպքերը բացահայտելու և այդ ծնունդների պետական գրանցումներն ապահովելու ուղղությամբ, օրենքով սահմանված դեպքերում և կարգով համայնքի ղեկավարի կողմից տրվել են երեխայի ծննդի պետական գրանցման վերաբերյալ գրավոր հայտարարություններ:
- 27) Գյուղապետարանում օրենքով սահմանված կարգով վարվում է համայնքի զինապարտների գրանցամատյան, նրանց վերաբերյալ ցուցակները, ինչպես նաև համայնքի բնակության վայրի հաշվառումից հանվելու, աշխատանքի ընդունվելու և աշխատանքից ազատվելու վերաբերյալ տվյալները ներկայացվել են տարածքային զինվորական կոմիսարիատ:


ԿԱԴՐԱՅԻՆ ԳՈՐԾԻ ՎԱՐՈՒՄ


1. Համայնքի ղեկավարը խախտել է «Տեղական ինքնակառավարման մասին» ՀՀ օրենքի 32-րդ հոդվածի 1-ին մասի 4-րդ կետի դրույթները և համայնքի ավագանու հաստատմանը չի ներկայացրել գյուղապետարանի աշխատակազմի կանոնադրությունը հաստատելու մասին որոշման նախագիծը:
2. ՀՀ կառավարության սահմանված կարգով գյուղապետարանում վարվում են համայնքի ղեկավարի և համայնքի ավագանու իրավական ակտերի հաշվառման մատյաններ:
Վերոնշյալ ժամանակահատվածում համայնքի ղեկավարի կողմից ընդունվել է 17 որոշում և արձակվել 26 կարգադրություն:
Գյուղապետարանում վարվող գրանցամատյանները սահմանված կարգով համարակալված, թելակարված և հաստատված են համայնքի ղեկավարի կողմից:
3. Ոստումնասիրության ենթարկված բոլոր իրավական ակտերը գրառված են իրավական ակտերի հաշվառման մատյաններում:
4. Փոքր Սարիարի համայնքն առանձնացված ստորաբաժանումներ չունի:
5. Փոքր Սարիարի գյուղապետարանի աշխատակազմի համայնքային ծառայության պաշտոնները թվով 2-ն են՝ աշխատակազմի քարտուղար և աշխատակազմի առաջատար


- մասնագետ: Գյուղապետարանի աշխատակազմի համայնքային ծառայության պաշտոնների մասով հաստիքացուցակը համապատասխանում է համայնքային ծառայության պաշտոնների անվանացանկին, ինչպես նաև պաշտոնային դրույքաչափերը համապատասխանում են «Համայնքային ծառայության մասին» ՀՀ օրենքի 27-րդ հոդվածի և «Նվազագույն ամսական աշխատավարձի մասին» ՀՀ օրենքի պահանջներին:
6. Համայնքի ղեկավարը համայնքային ծառայության պաշտոնների անձնագրերը հաստատելու մասին որոշումներ չի կայացրել:
- Վերոնշյալ ժամանակահատվածում համայնքային ծառայության պաշտոնների անվանացանկից պաշտոններ չեն հանվել և նոր պաշտոններ չեն ավելացվել:
7. Գյուղապետարանում համայնքային ծառայողների անձնական գործերի վարում չի իրականացվում:
8. Հայաստանի Հանրապետության տարածքային կառավարման նախարարի կողմից սահմանված կարգի համաձայն համայնքի ղեկավարի կողմից համայնքային ծառայության մրցութային և ատեստավորման հանձնաժողովների անհատական կազմի, ինչպես նաև համայնքի ավագանու կողմից հանձնաժողովի կազմում ընդգրկվող համայնքի ավագանու անդամների քանակական և անհատական կազմ հաստատելու մասին որոշումներ չի կայացվել և 20-օրյա ժամկետում հանձնաժողովի աշխատակարգային նիստ չի հրավիրվել և չի ընտրվել հանձնաժողովի նախագահի տեղակալ:
9. Հայաստանի Հանրապետության տարածքային կառավարման նախարարի կողմից հաստատված համայնքային ծառայության մրցութային և ատեստավորման հանձնաժողովների օրինակելի աշխատակարգերի հիման վրա համայնքի ղեկավարը համայնքային ծառայության մրցութային և ատեստավորման հանձնաժողովների աշխատակարգերը հաստատելու մասին որոշումներ չի կայացրել:
10. Հայաստանի Հանրապետության տարածքային կառավարման նախարարի կողմից հաստատված համայնքների ղեկավարների աշխատակազմերի աշխատանքային կարգապահական ներքին օրինակելի կանոնակարգերի հիման վրա համայնքի ղեկավարը սահմանված կարգով չի հաստատել աշխատակազմի աշխատանքային կարգապահական ներքին կանոնակարգը:
11. Գյուղապետարանի աշխատակազմում չեն վարվում համայնքային ծառայության թափուր տեղերի համար անցկացվող մրցութային դիմած քաղաքացիների տվյալների գրառման, համայնքային ծառայողների վերապատրաստման հաշվառման, ինչպես նաև համայնքային ծառայողների անձնական գործերի հաշվառման մատյաններ:
12. Համայնքային ծառայության պաշտոններ զբաղեցնողների կրթությունը, համապատասխան ստաժը և այլ տվյալներ համապատասխանում են համայնքային ծառայության մասին Հայաստանի Հանրապետության օրենսդրության և տվյալ պաշտոնի անձնագրի պահանջներին:
13. Համայնքի ղեկավարի կողմից ՀՀ Շիրակի մարզպետարան ներկայացված գրանցամատյանային (Ձև NN 1, 2) տվյալներն արժանահավատ են:


14. Վերոնշյալ ժամանակահատվածում համայնքային ծառայության թափուր պաշտոններ չեն առաջացել:
15. Գյուղապետարանում սահմանված կարգով վարվում է գինապարտ քաղաքացիների հաշվառման գրանցամատյան:
16. Վերոնշյալ ժամանակահատվածում Հայաստանի Հանրապետության տարածքային կառավարման նախարարության կողմից համայնքում ուսումնասիրություններ չեն կատարվել և թերություններ չեն հայտնաբերվել:

 Կ. ԱՐԱԿԱՆՅԱՆ


 Տ. ՄԱՐՏԻՐՈՍՅԱՆ

 Գ. ՀԱՐՈՒԹՅՈՒՆՅԱՆ

 Լ. ՀԱԿՈՔՅԱՆ

 Ն. ՄԱՐՏԻՐՈՍՅԱՆ

 Ա. ՀԱՐՈՒԹՅՈՒՆՅԱՆ

 Ա. ԱՐՇԱԿՅԱՆ